



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-397-4/25**
Datum: **20.11.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «UNIS-ENERGETIKA» d.o.o. Sarajevo - Podružnica Travnik, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta kompleksa Toplane u ul Luka bb, općina Travnik, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06 i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu, «UNIS-ENERGETIKA» d.o.o. Sarajevo - Podružnica Travnik daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta kompleksa Toplane izgrađenog u ul Luka bb na zemljištu označenom kao k.č. broj: 2080/1, 2080/2, 2082/1, 2082/2, 2089, 2090/1 i 2094/4 K.O. Travnik, općina Travnik.
2. Vodna dozvola se daje na osnovu dostavljene dokumentacije, utvrđenog činjeničnog stanja lokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog kompleksa Toplane vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se, za vrijeme trajanja ove dozvole, obezbijedi da se sistem za prikupljanje i prečišćavanje tehnoloških otpadnih voda, instalirana oprema i objekti na lokalitetu kompleksa Toplane održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 2.3. Da se, za vrijeme trajanja ove dozvole, obezbijedi da se tehnološke otpadne vode nastale odmuljivanjem kotlova nesmetano sakupljaju zasebnim sistemom kanalizacionih cijevi te odvođe na tretman u sabirni taložnik a potom zajedno sa otpadnim vodama nastalim pranjem podova i ispiranjem jonskih izmjenjivača, oborinskim vodama sa krova i radnog platoa te procjednim vodama sa depoa šljake i pepela preko otvorenog odvodnog/taložnog kanala odvođe do objekta predviđenog za tretman tehnoloških otpadnih voda (trokomorni taložnik) a zatim ovako tretirane vode ispuštaju u recipijent - rijeka Lašva.
 - 2.4. Da se objekti čija je svrha odvodnja i tretman otpadnih voda (taložnici, odvodni/taložni kanal, slivnici, rešetke...) redovno održavaju i koriste na takav način koji će obezbijediti njihovu potpunu ispravnost i funkcionalnost.
 - 2.5. Da se uspostavi rad automatskog uređaja za mjerenje pH vrijednosti i temperature vode prije konačnog ispusta prečišćenih voda u recipijent - rijeka Lašva.
 - 2.6. Čišćenje i pražnjenje taložnika i taložnog kanala te skladištenje i zbrinjavanje opasnog otpada može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu taloga iz separatora ulja i masti kao i preuzimanje drugog opasnog otpada.
 - 2.7. Sadržaj (mulj) iz taložnika i taložnog kanala se ne smije ni privremeno odlagati na česticu «vodno dobro», odnosno u vodotoke i na njegove obale.
 - 2.8. Skladištenje otpadnih materija koje se mogu javiti u tehnološkom procesu i koje se direktno ili indirektno prikupljaju, a mogu štetno djelovati na okolinu vršiti u adekvatnim kontejnerima i buradima do preuzimanja istih od strane firme registrovane za tu vrstu djelatnosti.

Uz zahtjev je dostavljena sljedeća dokumentacija:

- Ovjerena kopija Aktuelnog izvoda iz sudskog registra broj: 065-0-RegZ-23-012442 izdatog dana 05.12.2023. godine od strane Općinskog suda u Sarajevu,
- Ovjerena kopija Uvjerenja o registraciji poreznog obveznika izdatog dana 04.10.2018. godine od strane Porezne uprave Federacije BiH – Kantonalni porezni ured Sarajevo,
- Ovjerena kopija Uvjerenja o registraciji/upisu u registar obveznika indirektnih poreza broj: 04/1-17-1-UPJR/1-5744-2/18 izdatog dana 24.10.2018. godine od strane Uprave za indirektno-neizravno oporezivanje Banja Luka,
- Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-75021/18 izdatog dana 15.10.2018. godine od strane Službe za statistiku za područje Kantona Sarajevo,
- Kopija Rješenja o vodnoj dozvoli broj: 05-25-450/18 za korištenje vode i ispuštanje sanitarno fekalnih voda izdatog dana 03.05.2019. godine od strane Ministarstva poljoprivrede, vodoprivrede i šumarstva Srednjobosanskog kantona,
- Kopija Rješenja o vodnoj dozvoli broj: UP-I/25-3-40-377-6/20 izdatog dana 19.11.2020. godine od strane «Agencije za vodno područje rijeke Save» Sarajevo,
- Kopija Rješenja o obnovljenoj okolišnoj dozvoli broj: UP1-07-19-9576/21 izdatog dana 18.02.2022. godine od strane Ministarstva prostornog uređenja, građenja, zaštite okoliša, povratka i stambenih poslova Srednjobosanskog kantona,
- Projekat postojećeg stanja vodnih instalacija objekta Toplane u Travniku urađen od strane «UNIS 2000-Energetika» d.o.o. Sarajevo, maj 2007. godine – na uvid,
- Plan pogona, održavanja i osmatranja vodoprivrednih objekata Toplane Travnik, septembar 2025. godine,
- Kopija Ugovora broj: 1130/10-DS o čišćenju separatora i transportu zauljenog mulja i taloga zaključenog dana 16.09.2010. godine između «UNIS-ENERGETIKA» d.o.o. Sarajevo-Podružnica Travnik i «DELTA PETROL» d.o.o. Kakanj,
- Kopija Ugovora broj: 26-12/10-TR o preuzimanju i odvozu šljake sa deponije Toplane Travnik sklopljenog između «UNIS-ENERGETIKA» d.o.o. Sarajevo-Podružnica Travnik i preduzeća «ZLATIC» d.o.o. Travnik,
- Kopija Ugovora broj: 766-06-1/10 o pružanju komunalnih usluga sklopljenog dana 01.04.2010. godine između «UNIS-ENERGETIKA» d.o.o. Sarajevo-Podružnica Travnik i JKP «BAŠBUNAR» d.o.o. Travnik,
- Operativni plan mjera u slučaju vanrednih i incidentnih zagađenja za «UNIS-ENERGETIKA» d.o.o. Sarajevo - Podružnica Travnik urađen u februaru 2022. godine od strane «Inspekt-RGH» d.o.o. Sarajevo,
- Kopija Izvještaja broj: 699/25 o monitoringu kvaliteta i kvaliteta otpadnih voda kotlovske postrojenja «UNIS-ENERGETIKA» d.o.o. Sarajevo - Podružnica Travnik urađen od strane «Inspekt-RGH» d.o.o. Sarajevo, april 2025. godine,
- Kopija Izvještaja broj: 6/25 o rezultatima ispitivanja tereta zagađenja otpadnih voda «UNIS-ENERGETIKA» d.o.o. Sarajevo - Podružnica Travnik izraženog preko EBS-a urađenom u februaru 2025. godine od strane «Inspekt-RGH» d.o.o. Sarajevo,
- Dokaz o uplaćenju upravnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog kompleksa Toplane i tom prilikom je sačinjen Zapisnik o uviđaju broj: UP-1/21-3-40-397-3/25 od 21.10.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Kompleks toplane Travnik izgrađen je na desnoj obali rijeke Lašve u ul. Luka bb, općina Travnik. Investitor je tokom 2006. godine izvršio rekonstrukciju postrojenja i instalacija u sklopu Toplane koja je u ratu značajno devastirana. Toplana je tehnološki uvezana u jednu cjelinu a rađena je u fazama. Faza I i II je izgrađena sa kotlovima na mazut kapaciteta 2 x 6,5 MW koji su u potpunosti uklonjeni. U fazi III i IV su izgrađene dvije kotlovske jedinice na ugalj kapaciteta 2 x 16,2/20,8 MW koje trenutno služe kao osnovni izvor energije. Ugalj se deponuje na uređenoj lokaciji odakle se do ložišta doprema trakastim transporterima. U planu je instalacija tri nova vrelovodna kotla na zemni gas.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 5. dispozitiva ovog Rješenja.

Na osnovu provedenog postupka konstatuje se da je podnosilac zahtjeva, «UNIS-ENERGETIKA» d.o.o. Sarajevo - Podružnica Travnik, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta kompleksa Toplane u ul Luka bb, općina Travnik, te je riješeno kao u dispozitivu ovog Rješenja.

Podnosilac zahtjeva je uplatio posebne troškove shodno Zaključku ove Agencije broj: UP-1/21-3-40-397-3/25 od 02.10.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.grad.

Po ovlaštenju
Rukovodilac Sektora za izdavanje vodnih akata

Nihad Pezo, dipl.inž.grad.



Dostaviti:

- «UNIS ENERGETIKA» d.o.o. Sarajevo
ul. Tešanjaska br 24 a, 71000 Sarajevo
- Ⓞ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava